

Morning Dogri (NSD) Bulletin 24-05-2026

आकाशवाणी

1. बदेश मंत्री डाक्टर सुब्रह्मण्यम जयशंकर अज्ज नर्मी दिल्ली च अमरीका दे बदेश मंत्री मार्को रुबियो हुं'दे'नै दपक्खी गल्लबात करडन।
2. पच्छिम बंगाल च आयश्मान भारत योजना इस ब'रे जुलाई थमां शुरू होई जाहग। राज्य दी 'स्वास्थ्य साथी'योजना दे लाभार्थिये गी एहदे च शामिल कीता जाहग।
3. महाराष्ट्र दे बशेष जांच दल ने टीसीएस कंपनी दे इक केंद्र कन्नै सरबंधत यौन उत्पीड़न ते धर्म बदलवाने दे मामले च नाशिक अदालतै च इक जहार 500 सफे दा आरोप पत्र दाखल कीता ऐ।
4. अमरीकी राष्ट्रपति डॉनल्ड ट्रंप होरें आखेआ ऐ जे इस्राएल कन्नै गल्लबात दे बाद ईरान कन्नै इक समझौते पर मती हद्दै धोड़ी सैहमति बनी गेदी ऐ ते इस समझौते च होर्मुज जलडमरूमध्य गी खोलना बी शामिल ऐ।
5. मौसम विभाग ने दिल्ली, हरियाणा, चंडीगढ़, पूर्वी मध्य प्रदेश, पूर्वी उत्तर प्रदेश ते विदर्भ दे अज्ज किश इलाकें च लू चलने दी शेंका जताई ऐ।

6. गुरिंदरवीर सिंह होंरें फेडरेशन कप एथलेटिक्स प्रतियोगिता च मर्दे दे 100 मीटर मुकाबले च 10 इशारिया सिफर-9 सकिंट दे नमें राश्ट्री रिकार्ड दे कन्ने सुन्ने दा तगमा जिती लैता ऐ।

<><><><><><>

EAM-Rubio

विदेश मंत्री डा. एस जयशंकर होंर अज्ज नमीं दिल्ली दे हैदराबाद हाउस च अमरीका दे विदेश मंत्री मार्को रुबियो हुंदे कन्ने दपकखी बैठक करडन। ओह क्षेत्रीय ते वैश्विक शांति ते सुरक्षा कन्ने जुड़े दे मुद्दे सने केई विशे पर चर्चा करडन। विदेश मंत्री रुबियो कल क्वाड विदेश मंत्रिं दी बैठक च शामिल होने आस्तै 4 दिन दी यात्रा पर भारत पुज्जे। रुबियो होंरें कल प्रधानमंत्री नरेन्द्र मोदी हुंदे कन्ने मलाटी कीती ते उनें रक्षा, रणनीतिक प्रौद्योगिकी, बपार, निवेश ते उर्जा सने बक्ख-बक्ख क्षेत्रे च दपकखी सहयोग च होआरदी प्रगति बारे जानकारी दिती।

<><><><><><>

WB ABY

पच्छिम बंगाल च आयशष्मान भारत योजना इस बारे जुलाई थमां शुरू होई जाहग। मुखमंत्री शुभेंदु अधिकारी होंरें केंद्री सेहत मंत्री जगत प्रकाश नड्डा हुंदे कन्ने इक वर्चुअल बैठक दे बाद कल कोलकाता च एह घोशणा कीती। राज्य दी

सेहत योजना 'स्वास्थ्य साथी' दे तैहत मजूदा लाभार्थियें गी आयुश्मान भारत योजना च शामिल कीता जाहग। आयुश्मान भारत आरोग्य मंदिर दे सरबंथै च अगले म्हीने सैहमति पत्रै पर नर्मी दिल्ली च दस्तख्त कीते जाडन। श्री शुभेंदु अधिकारी होरें दस्सेआ जे पच्छिम बंगाल च प्रधानमंत्री जन औषधि केंद्रें दी गिनतरी मजूदा 117 थमां बधाइयै 4 सौ 69 करने दे सरबंथै च केंद्र सरकार गी इक प्रस्ताऽ भेजेआ गोआ ऐ। मुखमंत्री होरें आखेआ जे अलीपुरद्वार, कलिम्पोंग ते दक्खनी दिनाजपुर जिलें च नमें मेडिकल कॉलेज खोलने ते उत्तर बंगाल लेई इक नमें एम्सं दा प्रस्ताऽ बी केंद्र सरकार गी भेजेआ गोआ ऐ।

<><><><><><>

TCS-Forcod Conversion Case

महाराष्ट्र दे विशेष जांच दल नै टी.सी.एस कंपनी दे इक केंद्र कन्नै सरबंथी यौन उत्पीड़न ते धर्म बदलाव आहले मामले च नासिक अदालतें च 1 ज्हार 500 सफें दा आरोप पत्र दाखल कीता ऐं जांच दल दे प्रमुख संदीप मिटके होरें दस्सेआ जे कल 4 आरोपिएं मतीन पटेल, निदा खान, दानिश शेख ते तौसीफ अतर खलाफ चार्जशीट दाखल कीती गई। इस मामले च अगले किश दिनें च होर आरोपिएं खलाफ आरोप पत्र दाखल होने दी मेद ऐ।

<><><><><><>

Goyal-Boeing

उद्योग ते बपार मंत्री पीयूष गोयल होरें कल नमी दिल्ली च बोइंग कंपनी दे वैश्विक लोक नीति ते व्यवसायिक रणनीति दे कार्जकारी उपाध्यक्ष जेफ शाकी हुंदे कन्नै मलाटी कीती। गोयल होरें सोशल मीडिया दी इक पोस्ट च दसेआ जे बैठक दरान दौनें पखें विमानन ते अंतरिक्ष सरबंधी निर्माण क्षेत्र च भारत ते अमरीका सहयोग गी अगगे बदाने दे उपाएं पर चर्चा कीती। उनें आखेआ जे इस बैठक च रख-रखाव, मरम्मत ते होरनें सरबंधत पैहलुएं जियां कौशल, सप्लाई चेन, नमिएं काहडें ते इक भरोसेमंद वैश्विक विनिर्माण ते इंजीनियरिंग केंद्र दे तौर पर भारत दी भूमिका गी बधाने पर बी चर्चा होई।

<><><><><><>

Draft Rules G-Ram-G

सरकार नै विकसित भारत जी राम जी अधिनियम-2025 तैहत व्यापक जन परामर्श आस्तै मसौदा नियम प्रकाशित कीते न। ग्रामीण विकास मंत्रालय नै आखेआ ऐ जे कोई बी व्यक्ति सरबंधत धडें, संगठन जां संस्था 21 जुलाई तगर मसौदा नियमंे पर ऐतराज या सुझा देई सकदे न।

<><><><><><>

Trump-Hormuz

अमरीकी राष्ट्रपति डानल्ड ट्रम्प होरें आखेआ ऐ जे इजराइल कन्नै गल्लबात मगरा ईरान दे कन्नै इक समझौते पर काफी हद तगर सहमति बनी चुकी दी ऐ। उनें आखेआ जे समझौते च होमुर्ज जलडमरूमध्य खोलना बी शामिल ऐ।

ट्रम्प होंरें आखेआ जे समझौते दे खीरी बिंदुएं ते ब्यौरे पर चर्चा जारी ऐ ते तौले गै इसदी घोषणा कीती जाहग पर उनें समझौते दी समें7सीमा दी कोई साफ जानकारी नेई दिती। ट्रम्प होंरें आखेआ जे समझौते बारै च इजराइल दे कन्नै साउदी अरब, संयुक्त अरब अमीरात, कतर, पाकिस्तान, तुर्किए, मिस्र, जार्डन ते बहरीन कन्नै बी गल्ल कीती गई। ईरान दे विदेश मंत्रालय दे प्रवक्ता इस्माइल बाकार्ड होंरें एहदे थमां पैहले अमरीकिं पर विरोध आले बयान देने दा आरोप लाया।

<><><><><><>

US-Shooting

अमरीका च व्हाइट हाउस दी सुरक्षा जांच चैकी पर गोलीबारी करने आहले व्यक्ति दी पुलस दी जवाबी कार्रवाई च मौत होई गई ऐ। सीक्रेट सर्विस दस्सेआ जे अधिकारियें दी जवाबी फायरिंग च घाऽल होने दे बाद संदिग्ध गी अस्पताल लेता गेआ जित्थे इलाज दरान उन्ने दम त्रोड़ी दिता। सीक्रेट सर्विस ने दस्सेआ ऐ जे 17मीं स्ट्रीट ते पेनसिल्वेनिया एवेन्यू इलाके च मजूद व्यक्ति ने अपने झोले चा थेह्ार कड्डेआ ते गोलीबारी शुरू करी दिती। एहदे परैन्त अधिकारियें परते आहली कार्रवाई कीती। संदिग्ध दी पन्छान 21एं ब' रें दे नौजवान दे तौर पर कीती गई ऐ। घटना च इक नागरिक बी घाऽल होआ ऐ। हालांकि, अधिकारियें मूजब अजे एह स्पष्ट नेई ऐ जे उसी हमलावर दी गोली लग्गी जां अधिकारियें दी फायरिंग करी ओह जख्मीं होआ ऐ। घटना दे बेल्लै अमरीका दे

राश्ट्रपति डॉनल्ड ट्रंप व्हाइट हाउस च गै मजूद हे। पिच्छले इक म्हीने च एह
त्रीs बारी ऐ जिसलै राश्ट्रपति हुं' दे कोल-कश गोलीबारी दी घटना होई ऐ।

<><><><><><>

UN NPT

संयुक्त राश्ट्र च परमाणु अप्रसार संधि-एनपीटी दी समीक्षा लेई आयोजित च'उं
हफतें दा सम्मेलन बिजन कुसै नतीजे दे खत्म होई गेआ ऐ। सम्मेलन दे
अध्यक्ष ते संयुक्त राश्ट्र च वियतनाम दे स्थायी प्रतिनिधि राजदूत डो हुंग
वियत होरें इस पर निराशा जतांदे होई संधि दे “भविक्ख ते प्रभावशीलता” गी
लेइयै चेंता बुज्झी। एनपीटी दे पक्खकार देशें दा 11मां समीक्षा सम्मेलन 27
अप्रैल थमां 22 मई तगर संयुक्त राश्ट्र दे सदर दफतरै च आयोजित कीता गेआ
हा। एह सम्मेलन ईरान दे परमाणु कार्यक्रमै गी लेइयै अमरीका, इस्राएल ते
ईरान बश्कार बधदी वैश्विक तनोतनी दे दरम्यान आयोजित होआ। सम्मेलन दे
अध्यक्ष डो हुंग वियत होरें आखेआ जे उ'नेंगी इस गल्लै दा खेद ऐ जे सम्मेलन
कुसै खीरी नतीजे आहले दस्तावेज पर सहमति नेई बनाई सकेआ। संयुक्त राश्ट्र
दे महासचिव एंतोनियो गुतेरस होरें बी सम्मेलन च सैहमति नेई बनने पर
निराशा व्यक्त कीती ऐ।

<><><><><><>

IMD

मौसम विभाग नै दिल्ली, हरियाणा, चंडीगढ़, पूर्वी मध्य प्रदेश, पूर्वी उत्तर प्रदेश ते विदर्भ दे किश क्षेत्रें च अजज लू चलने दी शंका जाहिर कीती ऐ। बिहार, छत्तीसगढ़, झारखंडा, ओडिशा, पंजाब, राजस्थान, तेलंगाना, पच्छमी मध्य प्रदेश ते पच्छमी उत्तर प्रदेश दी किश थाहें पर इयै ज्नेहा मौसम रौहग। आंध्र प्रदेश दे समुंद्री कंडे आहले हिस्सें, गंगा कन्नै लगदे पच्छम बंगाल दे हिस्सें ते ओडिशा च दिनें मौके मौसम गर्म ते गुम्मे आहला बने दा रौहग। तेलंगाना, उत्तर प्रदेश ते विदर्भ दी किश थाहरें पर राती बी मौसम गर्म रौहने दी मेद ऐ।

<><><><><><>

Gurvinder Singh Federation Cup

गुरिंदरवीर सिंह होरें फेडरेशन कप एथलेटिक्स प्रतियोगिता च मर्दे दे 100 मीटर मुकाबले च सुन्ने दा तगमा जिती लैता ऐ। उ'नें 10 इशारिया सिफर-9 सकिंट दे नमें राश्ट्री कीर्तिमान दे कन्नै एह उपलब्धि हासल कीती। गुरिंदरवीर हुं'दा पिच्छला कीर्तिमान 10 इशारिया 1-7 सकिंट हा। एहदे कन्नै गै उ'नें राश्ट्रमंडल खेडों लेई क्वालीफाई करी लैता ऐ। अनिमेष कुजूर होरें 10 इशारिया 2-0 सकिंट दे कन्नै चांदी दा तगमा जितेआ। प्रणव प्रमोद गी 10 इशारिया 2-9 सकिंट दे कन्नै कैह दा तगमा मिलेआ। मर्दे दे 400 मीटर मुकाबले च विशाल टीके ने 44 इशारिया 9-8 सकिंट दे नमें राश्ट्री मीर्तिमान दे कन्नै सुन्ने दा तगमा जितेआ। विशाल एह द्रौड 45 सकिंटें च घट्ट समें च पूरी करने आहले पैहले भारती एथलीट बनी गे। एहदे बावजूद विशाल,

राश्ट्रमंडल खेडों दे तय 44 इशारिया 9-6 सकिंटे दे क्वालीफाइंग मार्क थमां
खुंजी गे। राजेश रमेश होरे चांदी दा तगमा जिसलै के जय कुमार होरे कैह दा
तगमा हासल कीता।

<><><><><><>

IPL

आईपीएल क्रिकेट च, लखनऊ च खेडो गेदे मुकाबले च कल पंजाब किंग्स ने
लखनऊ सुपर जायंट्स गी 7 विकेटे कन्नै हराई दिता। लखनऊ सुपर जायंट्स
दे 197 रन्जे दे लक्ष्य गी पंजाब किंग्स ने 18 ओवरें च 3 विकेटे दे नुकसान
पर 200 रन्ज बनाइयै हासल करी लैता। कप्तान श्रेयस अय्यर ने नाबाद 101
रन्जे दी पारी खेडो ते उ'नेगी प्लेयर ऑफ द मैच चुनेआ गेआ। प्रतियोगिता
च अज्ज द'उं मैच खेडो जाडन। मुंबई दे वानखेडे स्टेडियम च दपैही साओ 3
बजे थमां मुंबई इंडियंस दा मुकाबला राजस्थान रॉयल्स कन्नै होग जिसलै के
दुआ मुकाबला कोलकाता नाइट राइडर्स ते दिल्ली कैपिटल्स दे बश्कार
कोलकाता दे ईडन गार्डन्स च संझां साओ 7 बजे थमां खेडोआ जाहग।

<><><><><><>